

A inicia cu e consulta online pa Areglo di Subsidio pa iniciativanan social pa Historia di Sclavitud pa Parti Caribense di Reino



Aña di Conmemoracion di Historia di Sclavitud

ORANJESTAD (AAN): Dia 1 di maart e consulta di internet pa areglo di subsidio pa iniciativanan social di historia di sclavitud Transatlantico pa parti Caribense di Reino a inicia. Residente di Aruba, Boneiro, Corsou, Saba, Sint Eustatius y Sint Maarten por duna nan opinion tokante e proposicion di areglo pa iniciativanan social.

E consulta di internet ta duna tur hende e oportunidad pa contribui cu nan pensamento tocante e areglo aki. E proposicion aki ya a ser discuti cu varios representantenan di tur e islanan.

Areglo di Subsidio pa Iniciativanan Social di Historia di Sclavitud:

Dia 19 di december 2022, e Minister-Presidente a pidi disculpa na nòmber di e gobièrno Hulandes. Ademá di e disculpa, a priminti di pone €100 mion disponibel pa un areglo pa iniciativanan social. Parti Karibeño di Reino lo ricibi 33 mion di esaki y un areglo di subsidio su mes.

E areglo ta enfoca riba comunidadnan di descendientenan di esclavonan y organisacionnan 'grassroots', kaminda por hasi aplikashon pa profesionalisacion adicional, iniciativanan pa reforsa comunidad y iniciativanan cu impakto substansial. Residentenan di Aruba, Boneiro, Corsou, Sint Maarten, Saba y Sint Eustatius, por expresa nan opinion tokante e proposicion di areglo na nan propio idioma pa un Consulta di Internet.

Nan por, por ehèmpel, hasi sugerencia pa mehora e factibilidad di e proposicion, caminda ta tuma cuenta suficiente di e contexto Caribense. E Consulta di Internet lo cuminsa riba 1 di maart 2024 pa un

duracion di 30 dia y por haya aki: www.internet-consultatie.nl/slavernijverledencaribisch. Participacion ta posibel te cu 31 di maart, 17:59.

Ora e Consulta di Internet ta completo, lo procesa e contribucionnan bon y no bon y compila esakinan den un raport. Secretario di Estado di Ministerio di Asuntonan Interno & Relacionnan den Reino lo firma e areglo di subsidio pa despues publica esaki den "Staatscourant" i "Staatsbladen" di Aruba, Corsou y Sint Maarten.

Pa 1 di juli 2024 e areglo di subsidio pa parti Caribense di Reino lo habri y ta destiná pa iniciativanan social enfocá riba conocimiento, concientisacion, reconocimiento y conmemoracion y un mihor comprendimento di e impacto di historia di sclavitud y su procesamento.

Consulta di Mercado:

Pa 1 di maart tambe lo cuminsa un consulta di mercado pa sa averigua con e mercado ta muestra riba tereno di evaluacion di subsidio den parti Caribense di Reino. Ministerio di Asuntonan Interno & Relacionnan den Reino ta buscando un partido cu tin conocimiento di Caribe y tin custumber di traha riba e islanan. Ademá, lo considera e capacidad di e organizacion, conocimiento financiero y experticio pa ehecuta e asignacion importante y amplio aki.

E asignacion tin un tempu di ehecusion di te ku 5 aña. Tanto partido priva como fundacionnan cu tin un sucursal riba por lo menos un di e (isla)nan por aplica. Bo por haci bo organizacion prome cu 10 di maart 2024 dor di manda un e-mail na aan-

besteding@rijksdienstn.com. Tambe por pidi mas informashon via e mesun mailadres aki.

Representante

nan di e islanan

Actualmente tin combersacionnan cu representantenan di e 6 islanan den parti Caribense di Reino. Pa cada isla e gobiernonan y Colegio Ehecutivo a nombra dos representante di 'plataforman local of comité' cu, hunto cu un representante oficial y e team di Historia di Sclavitud di Direktora-

do-General pa Relashonnan den Reino, lo forma e interpretacion adicional di 'despues di e komma'. Nan ta contribui tambe na representacion Caribense riba e Comision di Conmemoracion cu lo ser estableci, cu lo ricibi €8 mion un strukturalmente pa aña pa conmemora e historia di sclavitud den henter Reino.